

ЎЗБЕКИСТОН РЕСПУБЛИКАСИ  
ПРЕЗИДЕНТИНИНГ  
**ҚАРОРИ**



# ПОСТАНОВЛЕНИЕ

ПРЕЗИДЕНТА  
РЕСПУБЛИКИ УЗБЕКИСТАН

2018 йил “18” декабрь

№ ПҚ-4064

“      ” 20 г.

**Ўзбекистон Республикаси Президентининг “Ишлаб чиқариш майдонларидан фойдаланиш самарадорлигини оширишга доир қўшимча чора-тадбирлар тўғрисида” 2018 йил 4 сентябрдаги ПҚ-3928-сон қарорига ўзгартириш ва қўшимчалар киритиш тўғрисида**

Мулқор – жисмоний шахсларнинг уларга тегишли бўлган фаолият кўрсатмаётган ишлаб чиқариш майдонларидан оқилона ва мақсадли фойдаланилиши учун жавобгарлигини белгилаш, шунингдек, илгари хусусийлаштирилган обьектларни, мулк ҳуқуқининг вужудга келиш асосларидан қатъи назар қурилиши тугалланмаган обьектлар, бўш турган бинолар, нотурар иншоотлар ва фойдаланилмаётган ишлаб чиқариш майдонларини хўжалик фаолиятига жадал тарзда жалб этиш мақсадида:

1. Ўзбекистон Республикаси Президентининг “Ишлаб чиқариш майдонларидан фойдаланиш самарадорлигини оширишга доир қўшимча чора-тадбирлар тўғрисида” 2018 йил 4 сентябрдаги ПҚ-3928-сон қарорига иловага мувофиқ ўзгартириш ва қўшимчалар киритилсин.

2. Мазкур қарорнинг ижросини назорат қилиш Ўзбекистон Республикасининг Бош вазири А.Н. Арипов, Ўзбекистон Республикаси Президенти Администрацияси раҳбари З.Ш. Низомиддинов ва Ўзбекистон Республикаси Президенти маслаҳатчисининг биринчи ўринbosари Б.М. Мавлонов зиммасига юклансин.

**Ўзбекистон Республикаси  
Президенти**

**Ш. Мирзиёев**



Тошкент шаҳри

Ўзбекистон Республикаси Президентининг  
2018 йил “18” декабрдаги ПҚ-4064-сон қарорига  
илова

**Ўзбекистон Республикаси Президентининг  
“Ишлаб чиқариш майдонларидан фойдаланиш самарадорлигини  
оширишга доир қўшимча чора-тадбирлар тўғрисида”  
2018 йил 4 сентябрдаги ПҚ-3928-сон қарорига киритилаётган  
ЎЗГАРТИРИШ ВА ҚЎШИМЧАЛАР**

**1. 4-банд қўйидаги таҳрирда баён этилсин:**

“4. Шундай тартиб ўрнатилсинки, унга мувофиқ:

а) давлат мулки бўлган фойдаланилмаётган обьектлар ўрнатилган тартибда сотилади, давлат-хусусий шериклик асосида, шу жумладан ижарага берилади;

б) фойдаланилмаётган обьектларнинг хусусий мулкдорларига қўйидаги таъсир чоралари қўлланилади:

юридик шахсларга – соддалаштирилган солиқقا тортиш тартибидан солиқлар ва бошқа мажбурий тўловларни умумбелгиланган тартибда тўлашга ўтказиш;

юридик ва жисмоний шахсларга – мол-мулк ва ер солиқларини икки карра микдорда тўлаш, 6 ой ўтгандан сўнг – беш карра, 12 ой ўтгандан сўнг ва кейинчалик – ўрнатилган ставкага нисбатан ўн карра микдорда тўлашга ўтказиш;

конунчиликка мувофиқ тақдим этилган солиқ имтиёзлари ва преференциялар амал қилишини тўхтатиши”.

**2. 4-иловадаги “Тадбирлар” графасида:**

а) 2-босқичнинг тўртинчи хатбоиси “бўлган юридик” сўзларидан кейин “ва жисмоний” сўzlари билан тўлдирилсин;

б) 5-босқичнинг учинчи хатбоиси “юридик” сўзидан кейин “ва жисмоний” сўzlари билан тўлдирилсин;

в) 14-босқич матни қўйидаги таҳрирда баён этилсин:

“Тўловлар бўйича мажбуриятларнинг:

юридик шахслар учун – солиқлар ва бошқа мажбурий тўловларни умумбелгиланган тартибда (агар юридик шахсга солиқقا тортишнинг соддалаштирилган тартиби қўлланилган бўлса);

юридик ва жисмоний шахслар учун – мол-мулк ва ер солиқларини икки карра, 6 ой ўтгандан сўнг – беш карра, 12 ой ўтгандан сўнг ва кейинчалик – ўн карра микдорида вужудга келиши”.

